

ցումն ինչ առ հրօնապէսն այլազգեաց, և խնդրեաց ՚ի նոցանէ վճիռ ՚ի լուծումն խնդրոյն. նոքա ետուն պատասխանի թէ՛ չէ օրէն զկալուածս վանաց եւ զանօթս եկեղեցւոյ դնել ՚ի գրաւի և կամ հանել ՚ի վաճառ: Ի վերայ այս բանի էառ յետկար ՚ի դատաւօրէ քաղաքին, և յայնմ՛հետէ արգել եւ խափանեաց զանկարգութիւնս նոցա. միարանաց չգնել զինչս եկեղեցւոյ ՚ի գրաւի, և պարտատեարց չհանել զայնս ՚ի վաճառ. իսկ եթէ ոք անսատ դտեալ հրամանին՝ ժպրհեսցի յայնպիսի անարժան գործս, մատնեսցի ՚ի աուգանս և ՚ի բանաս. (1470):

Մկրտիչ եպիսկոպոս որդի Յովհաննիսի. սա համարի ՚ի կարգս Պատրիարքաց աթոռոյն Երուսաղէմի: Յաւուրս իշխանութեան իւրոյ ՚ի վարձու կալաւ տուն մի ՚ի թաղն Սիոնի մերձ ՚ի վանս Ս. Յակոբայ ՚ի կողմն հիւսիսոյ. Նապ Ալահ կոչեցեալ յայլազգէ, ամս 48 և ամիս 8 սրայմանաւ ժամանակի. եւ ՚ի դատարանի մուրհակաւ հաստատեաց զպայման դաչինն: Սակայն այլազգին այն միով ամաւ յառաջ ՚ի վարձու առեալ էր զտունն ՚ի Հայազգի Մարիամ կնօջէ, որ ՚ի կենդանութեան իւրում կտակաւ աւանդեալ էր ՚ի կալուած Ս. Յակոբայ. կտակահատար կացուցեալ զնոյն ինքն զՄկրտիչ եպիսկոպոս: Եւ չեւ եւս լցեալ պայմանաժամուն յարեան այլազգիք ՚ի վերայ Մկրտչի և պահանջին զտունն. իսկ նա օրինօք Շէրիի մերժեաց զնոսս: Զինախ քան զլրանալ պայմանաժամուն և մեռանելոյ Տեառնըն, որ ետ զտունն ՚ի վարձու՝ չէ օրէն առնուլ զայն ՚ի ձեռաց նորա: Եւ ՚ի միում նուազի յորժամ կարի ստիպեցին զնա այլազգիքն. ետ պատասխանի՝ ես փոխանորդ էի յայնժամ Արքահամ եպիսկոպոսի որդւոյ Իսկէնաէրի որդւոյ Տալլեայ Բերիացւոյ, որ վերատեսուչ էր վանաց. և այսպիսի եղանակաւ թափեաց զտունն ՚ի ձեռաց այլազգեաց, եւ օրինօք դատարանի հաստատեաց զայն իրրեւ կալուած վանաց, որպէս յայտ առնէ զիր դատարանի գրեալ ՚ի թուին՝ ԱԱ (1483):

Մկրտիչ եպիսկոպոս որդի Յովհաննիսի, որ վարէր զիշխանութիւն Պատրիարքութեան Երուսաղէմի, և ՚ի ծերութեան իւրում ինքնայօժար կամօք հրաժարեցաւ Պատրիարքական յաթոռոյն, և օրինօք դատարանի, ըստ սս-